




D'REPRISE VUM UNTERRECHT AM SECONDAIRE

D'Klasse vu 7^e bis 2^e



CORONAVIRUS COVID-19 INFORMATIOUNE FIR D'ELTEREN


DEN 11. MEE 2020 FÄNKT DEN UNTERRECHT AM ENSEIGNEMENT SECONDAIRE NEES UN.

D'Zil ass et, jiddwer Schüler ze erméiglechen,

- Fortschrëtter beim Léieren ze maachen,
- d'Schouljoer erfollegräich ofzeschléissen,
- sech beschtméiglech op dat nächst Schouljoer virzebereeden.

Dobäi soll d'Gesondheet vu jiddwerengem optimal geschützt ginn.

FIR D'REPRISE VUM UNTERRECHT GËLLEN 10 REEGELEN:




Rotatiounsprinzip:

Äert Kand geet all zweet Woch an d'Schoul.



50 % manner Schüler:

All Klass gëtt an zwou Gruppen opgedeelt (A a B). Wann d'Grupp A an d'Schoul geet, bleift d'Grupp B doheem.



Unterrecht an der Schoul:

Am Schoulunterrecht widderhuelen d'Schüler déi Inhalter, déi se an der „Schoul doheem“ geléiert hunn. Zousätzlech ginn nei Inhalter behandelt.




Widderhuelung doheem:

An där Woch, an där d'Schüler doheem bleiwen, widderhuelen si dat, wat an der Schoul behandelt gouf; dofir gëtt et genee Uweisung vum den Enseignanten.



Dat Weesentlecht:

Am Unterrecht gëtt sech op déi Inhalter konzentréiert, déi fir dat nächst Schouljoer wichteg sinn.



Ee Semester:

Dat 2. an dat 3. Trimester ginn zu engem Semester zesummegeleecht, dat vum 6. Januar bis de 14. Juli geet.



Prüfungen an den Haaptfächer:

An de Sproochen an an der Mathematik grad ewéi an de Spezialisierungsfächer vun de verschidene Sektione gi Prüfungen gemaach.

Keng Prüfungen an deenen anere Fächer:

An der „Schoul doheem“ krut Äert Kand Projete respektiv Dossieren an deenen anere Fächer ze maachen. Dës ginn am Unterrecht an der Schoul ofgeschloss an dono bewäert. Et si keng Prüfungen virgesinn.



Eng fair Bewäertung:

Wann Äert Kand an engem Fach op manst zwou Notten huet, da gëtt déi schlechtest Nott bei der Berechnung vun der Moyenne net berücksichtegt. Huet Äert Kand an der „Schoul doheem“ gutt geschafft, kënnen d'Enseignanten 1 bis 4 Punkten op der Moyenne vum Semester Januar-Juni bäiginn.

Beispill: d'Rechne vun der Moyenne an der Mathematik

Prüfung	Nr. 1	Nr. 2	Nr. 3
Nott	42	28	50
Moyenne	92 : 2 = 46		



D'Schoulvakanze bleiwen:

D'Datumer vun der Päischtvakanz (30. Mee – 7. Juni) a vun der Sommervakanz (16. Juli – 14. September) bleiwen onverännert.


CORONAVIRUS COVID-19 INFORMATIOUNE FIR D'ELTEREN

Fir Schüler an Enseignantë beschméiglech ze schützen, **MUSSEN 9 SCHUTZMOOSSNAMEN AGEHALE GINN.**



D'Schüler bleiwen ëmmer
an der selwechter **Grupp**, A oder B.

An de Klassesäll respektéiert jiddwereen
**en Ofstand vun op d'mannst
zwee Meter vuneneen.**



Am Schülertransport an um Site vun der Schoul
ass et Pflicht, e **Schutz iwwer Mond an Nues**
(wéi zum Beispill eng Mask, e Bandana
oder e Foulard) unzehunn.

An de Klassesäll ass esou e Schutz **fakultativ.**



D'Pause sinn **zäitlech versat.**

Et gëtt een encouragéiert,
reegelméisseg d'Hänn ze wäschen.



Desinfektiounsmëttele stinn an all Klassesäll
an an den Entréeë vun de Schoulen zur Verfügung.

**De Sportunterricht an de
Schwammunterricht**
fale bis d'Enn vum Schouljoer aus.



Risiko-Schüler kënnen mat engem **Attest
vum Dokter** (Certificat médical) weider un
der „Schoul doheem“ deelhuefen.